



Plata dla Ploania Antermëia Sant'Antone Abat

UNITÉ PASTORALA



Ploan: **siur Paul Campeï**
E-mail: **campei.paul@rolmail.net**

Calonia: **0474/520012**
Siur Paul: **380 7345533**

VAL BADIA
www.unitepastorala.org

Ann C 14.07.2019 - 21.07.2019 - 15. domënia ia por l'ann n. 33

Odei le proscim

📖 Deut 30, 10–14 | Col. 1, 15–20 | Lc 10, 25–37

Dal Vangele do San Lüca:

Te chël tëmp ²⁵orô n maester dla lege mëte Gejù ala proa. Al l'â damanè: Maester, cî mëssi pa fâ por davagné la vita eterna? ²⁶Gejù ti à dit: Cî stal pa scrit tla lege? Cî lieste pa dailò? ²⁷Al à respognü: Te desses ti orëi bun al Signur, to Dî, cun döt le cör y dötä l'anima, cun dötä tûa forza y cun düc tû pinsiers, y a to proscim sciöche a té instës. ²⁸Gejù ti à dit: T'as respognü dërt. Fa aladô, y te viaras. ²⁹Le maester dla lege orô iustifiché süa domanda y ti à dit a Gejù: Y chë é pa mi proscim? ³⁰Sön chëra ti à Gejù respognü: N ël ê jü da Ierusalem jö Ièriho y é gnü pié dai ladruns. Ai l'â arobè fora y l'â dramè jö ia por tera; spo s'un ési jüs y l'â lascè dailò mez mort. ³¹Por caje él gnü n prou jö por le medemo tru; al l'â odü y é jü inant. ³²Incé n levit é rové söl post; al l'â odü y é jü inant. ³³Spo él gnü n ël dala Samaria, che ê söl iade. Canch'al l'â odü, àl albü compasciun impara, ³⁴ti é jü pomez, à juté öre y vin sön sües plaies y les à liades sö. Spo l'âl alzè sön so tier da ciaria l'â condüt te na ostaria y à fistidié por ël. ³⁵Le dé do àl trat fora dui denars, ti ai à dè al osti y à dit: Tôletun sura de ël y sce t'adores deplü spo t'al paii canch'i vëgni indô. ³⁶Cî mineste pa: Cal de chisc trëi s'â pa demonstrè sciöche proscim de chël che é gnü pié dai leri? ³⁷Le maester dla lege à respognü: Chël che é stè misericordius impara. Dailò ti à Gejù dit: Spo va y fa incé tö insciö!



*Tla iustizia ôi contemplè to
müs y me de tûa presënza,
canch'i me descedarà.*

📖 Letöres dla 16. domënia ia por l'ann:
Gen 18, 1–10a | Col. 1, 24–28 | Lc 10, 38–42

Edema liturgica dai 14.07. ai 21.07.2019

2019	Ora	Mëssa
15^a DOMENIA 14.07 DL ANN <i>oferta por la dlijia</i>	9.30 10.00	<i>Corona</i> Gran Messa por la comunité families Unterweger, Alfarei <i>benedisciun dl tëmp</i>
LÖNESC 15.07		<i>degöna Messa!</i>
MERTESC 16.07. <i>s. Maria dl Carmel</i>		
MERCUI 17.07	7.30	corona
JÖBIA 18.07		
VENDRES 19.07	7.30	s. Messa + Marlene Agreiter
SABEDA 20.07	18.30	s. Messa prefestia ++ Tin y Loise Castlunger + Frieda Deiacò (Uniun)
16^a DOMENIA 21.07 DL ANN <i>oferta por la dlijia</i>	9.30 10.00	<i>Corona</i> Gran Messa por la comunité aniv. + Bepo Pedevilla + siur Heinrich Videsott <i>benedisciun dl tëmp</i>

Zuspruch
AM SONNTAG

15. Sonntag im Jahreskreis C

Wir wollen dem anderen dienen, wie er es braucht, und nicht, wie wir es mögen.

Paulo Evaristo Arns



Informaziuns y terminns

Oraziun de Taizé sö Oies en vëndres, ai 19 de messé, dales 20.00

Al vëgn metü a jí n **peregrinaje** al santuar de **Medjugorje** dai 28 de setëMBER ai 03 d'otober 2019. Por informaziuns y prenotaziuns pro Cristine y Konrad La Val 0471 843 077 o 344 27 26 701

Le **dotur Eduard Agreiter é demez** por ferias dai 15 ai 26 de messé y vëgn sostituí dala doturia Grete Mahlknecht 349 06 67 034 o 0474 523 018

La **Uniun dl Sport da San Martin** mët a jí n **curs de atletica lisiera** por mituns y mitans dla scora mesana cun Alex Verginer vigni dedolönesc dai 16 de messé cina ala fin dl isté a San Martin tl ciamp dl sport Pradel. Vigni iade danmisdé dales 09.30 inant. Prenotaziuns y informaziuns le pröm de o por telefon: 334 35 01 175 (Alex) 339 62 11 647 (Maria)

Manifestaziuns Associazium Turistica Al Plan – San Martin:

En vëndres, ai 19 de messé, él indô les stries che bala sön Börz! Dales 16.00 inant mët man n bel program por mituns adöm cun artisé de strada, jüc cun liëndes y stories. Dales 18.30 intratignimënt musical cun le Cor de dlijia d'Antermëia y dales 21.00 inant podarán ji adöm cun i striuns sön i pra de Pütia y dedô le gran **bal cun les stries** che cianta y bala incër le füch ia.

10^a incuntada di orghi da man: Por le diejimo iade s'incunta en chësc ann, en sabeda y en domënia, ai 20 y 21 de messé, i orghi da man apé de Pütia. La incuntada mët man en sabeda dales 18.00 tla Ütia de Börz. La domënia sonará gragn y picì, y sciöche ghesé n grup dla Slovenia, dales 11.00 inant ia dala Ütia de Fornela. Trami i dis sarál la firma Rutar che presentará sü orghi da man.

Badia Musiga inviëia a chisc conzerc:

- Conzert de musiga baroca cun l'Ensemble Baroque tla dlijia de Badia, incö domënia, ai 14 de messé, dales 21.15

- Conzert de percuscium cun Philipp Lamprecht tl salf J.B. Runcher a Badia en lönesc, ai 15 de messé, dales 21.15

- Conzert dl Duo Barta y Pereyra (mezzosopran y chitara) tl salf dles uniuns a La Pli en dedemesaledema, ai 17 de messé, dales 21.15

- Conzert de musiga vocala y stromentala baroca cun l'Ensemble Fidicinium tla dlijia da La Val en vëndres, ai 19 de messé, dales 21.00

- Conzert „La douceur et l'esprit“ cun Nadia Prousch, Veronica Egger y Marianna Bisacci a San Ciascian en domënia, ai 21 de messé, dales 21.15.



Gönnen Sie sich eine Aus-Zeit, ob im Süden oder Norden, am Meer oder in den Bergen, beim Faulenzen oder im Aktivurlaub, in exotischen Fernen oder auf Balkonien. Denn selbst der liebe Gott nahm sich am siebten Tag seine Aus-Zeit.

Mësses a Rina:	Dom 8.30 Lön 19.00 Dedol 19.00 Dedem 19.00 Jöb 7.30 Ven 19.00 Sab 19.30 Dom 8.30
Mësses a San Martin:	Dom 9.30 (ciasa de palsa) Dedol 19.30 Jöb 7.30 Sab 18.30 Dom 9.30

	15.07 - 20.07.2019	Annika - Maximilian
	21.07.2019	Stefan - Joel - Nicol - Sara
	20.07.2019	Petra Clara
	21.07.2019	Martina Dejaco